



Māori

Te tatari mō te whare noho pāpori

Ko te whare noho pāpori mō te hunga whai matea whare noho tino nui, ā, nā ētahi take hoki, kāore e kitea he wāhi pai hei noho.

Mēnā e āhei ana koe ki te whare noho pāpori, ko te roa o te wā e tatari ana koe kei te āhua kē o:

- te tere wātea mai o tētahi whare tōtika mōu
- ō matea
- te maha o ngā tāngata e tatari ana me ngā matea whāwhai.

i te wā e tatari ana mō tētahi whare he mea nui tonu ki te kimi haere tonu i ētahi atu whare rīhi. Ka taea e mātau te āwhina i tēnei. Ka taea anō e koe te whakarite wā mō tētahi hui Housing Options.

I te wā e tatari ana koe

Ngā mea hei mahi māu	Ka aha mātau	Ka aha ngā kaiwhakarato whare noho
<ul style="list-style-type: none"> • Me kōrero wawe mai ki a mātau mō ngā rerekētanga ka pā ki a koe • Tirohia ētahi atu whiringa whare noho 	<ul style="list-style-type: none"> • Ka tukuna atu ō taipitopito ki ngā kaiwhakarato whare noho ina wātea haere mai ngā whare • Ka arotakehia tō hiahiatanga mō ngā whare noho pāpori mēnā ka rerekē tō āhuratanga • Ka tukuna atu he kōrero ki a koe mō ētahi rongoā whare noho 	<ul style="list-style-type: none"> • Ka whakapā atu ki a koe ina wātea mai he whare tōtika • Ka tono mai i a koe ki te tiro tiro i tētahi whare • Ka whakarite i a koe ki te waitohu i tētahi whakaaetanga retihanga mēnā ka whakaae koe ki te whare • Ka noho hei kairetiwhare mōu

Me mātua whakapā tonu mai koe

Me mātua whakamōhio mai koe mō ngā rerekētanga e pā ana ki a koe me tō hoa (mēnā e whai hoa ana koe). Ki te kore koe e kōrero mai tērā pea kāore koe e whiwhi whare noho pai rawa mō ō hiahia, tērā pea kua kore kē koe e āhei atu ki te whare noho pāpori.

Ko ētahi taurira hei kōrero mai māu mō ngā rerekētanga ki a koe e pā ana ki:

- tō wāhi noho me tō nama waea
- tō moni whiwhi, āhuratanga ā-pūtea rānei
- ō whakaritenga whānau, whare rānei.

Ka whakapā atu anō pea mātau ki a koe ki te kōrero mō tō āhuratanga. He mea nui tonu kia whakautua e koe ā mātau waea, reta rānei, tērā pea ka pōhēhē mātau kua kore koe e hiahia ki te whare noho pāpori me te whakakore i tō tono.

Mō te whakamōhio mai mō tētahi rerekētanga, waea atu ki Te Hiranga Tangata i 0800 559 009, Senior Services rānei i 0800 552 002.